

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR


**PRAVILNIK
O USLOVIMA, KRITERIJIMA I NAČINU RASPODJELE NOVČANIH SREDSTAVA ZA
SUFINANSIRANJE TROŠKOVA MEDICINSKI POTPOMOGNUTE OPLODNJE NA
PODRUČJU OPĆINE ILIDŽA**

JULI 2018.godine



Butmirska cesta br. 12. Sarajevo, BiH, tel/fax. +387 33 775-777, centrala 775-600
www.opcinailidza.ba, E-mail: opcinski.nacelnik@opcinailidza.ba





Na osnovu člana 15.stav (1). Alineja dva(2). Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), član 90.Statuta općine Ilidža (Prečišćeni tekst 33/10; 18/16) i odluke o izvršenju Budžeta Općine Ilidža za tekuću godinu, Općinski načelnik donosi

**PRAVILNIK
O USLOVIMA, KRITERIJIMA NAČINU RASPODJELE NOVČANIH SREDSTAVA ZA
SUFINANSIRANJE TROŠKOVA MEDICINSKI POTPOMOGNUTE OPLODNIJE NA
PODRUČJU OPĆINE ILIDŽA**

Član 1.
(Predmet pravilnika)

Ovim pravilnikom uređuju se uslovi, kriteriji i način ostvarivanja prava na dodjelu jednokratne novčane pomoći za sufinansiranje troškova pružanja medicinskih usluga potpomognute oplodnje (u daljem tekstu: jednokratne pomoći), ženama koje su u bračnoj ili vanbračnoj zajednici sa područja općine Ilidža.

Član 2.
(Svrha pravilnika)

Svrha donošenja ovog Pravilnika jeste teška ekonomska situacija mladih i kao i pad nataliteta poslednjih godina u BiH. Cilj Općine Ilidža je da na osnovu ovog Pravilnika poduzimanjem proaktivnih mjera razvija strategiju stimulisanja žena na rađanje i stvara optimalne uslove za podizanje nataliteta u našem društvu.

Član 3.
(Izvor sredstava)

Sredstva utvrđena na ekonomskom kodu 614200-grant pojedincima za jednokratnu pomoć raspoređuje Općinski načelnik odlukom na prijedlog Službe za rad, socijalna pitanja, zdravstvo, izbjeglice i raseljena lica (u daljem tekstu: Služba) u skladu sa utvrđenim kriterijima, a na osnovu podnesenih zahtjeva putem protokola općine Ilidža (u daljem tekstu:Centar za pružanje usluga građanima općine Ilidža).

Član 4.
(Kriteriji)

Kriteriji za ostvarivanje prava na jednokratnu pomoć iz člana 1. Ovog Pravilnika su.

- a) Da je žena koja podnosi zahtjev u bračnoj ili vanbračnoj zajednici i da je brak postojao prije početka postupka potpomognute oplodnje, a vanbračna zajednica da traje najmanje tri godine prije početka postupka potpomognute oplodnje;
- b) Da oba partnera imaju prebivalište na području Općine Ilidža najmanje 3(tri) godine prije podnošenja zahtjeva za ostvarivanje prava;
- c) Da žena može roditi dijete samo u postupku potpomognute oplodnje;
- d) Da žena nema više od 43 godina.



Član 5. (Ostvarivanje prava)

Pravo na jednokratnu pomoć može ostvariti žena koja ispunjava kriterije iz člana 4. Ovog pravilnika maksimalno za dva pokušaja.

- 2) Općina će sufinansirati troškove postupka potpomognute oplodnje u visini iznosa razlike između cijene usluga potpomognute oplodnje i sredstava koje refundira Zavod za zdravstveno osiguranje Kantona Sarajevo.
 - a) za prvi pokušaj u maksimalnom iznosu do 1.000,00 KM razlike i
 - b) drugi pokušaj u maksimaln
 - c) om iznosu do 3.000,00 KM razlike.
 - d) treći pokušaj u maximalnom iznosu od 2.000,00 KM (ukoliko se dostavi dokaz da su odbijeni za treći pokušaj).

Član 6. (Izuzetak od kriterija)

Izuzetno od kriterija propisanog u članu 4. Stav 4. ovog Pravilnika Općina će ženama iznad 43 godina sufinansirati maksimalno dva pokušaja u iznosu 50% od ukupne cijene troškova novčanih sredstava za pružanje medicinskih usluga potpomognute oplodnje, a u maksimalnom iznosu do 2.500,00 KM.

Član 7. (Potrebna dokumentacija)

Žene koje ispunjavaju kriterije za ostvarivanje prava iz ovog Pravilnika prilikom podnošenja zahtjeva (u prilog Pravilnika) za ostvarivanje prava dužne su dostaviti sljedeću dokumentaciju:

- a) Kopije lične karte za oba partnera;
- b) Uvjerenje o kretanju za oba partnera (ukoliko se iz lične karte na može utvrditi da imaju prebivalište na području Općine Ilidža u trajanju najmanje 3 (tri) godine prije podnošenja zahtjeva za ostvarivanje prava);
- c) Prijave prebivališta za oba partnera;
- d) Izvog iz matične knjige vjenčanih ili ovjerena izjava oba partnera data pod punom materijalnom i krivičnom odgovornošću o postojanju vanbračne zajednice u smislu odredbe člana 3. Porodičnog zakona FBiH.
- e) Nalaz i dokaz za liječenje neplodnosti metodama potpomognute oplodnje izdat od nadležne ginekološko-akušerske klinike ili specijaliste ginekologije koji se bavi humanom reprodukcijom u javnoj ili privatnoj zdravstvenoj zaštiti žene KS,
- f) Predračun troškova postupka potpomognute oplodnje izdat od strane zdravstvene ustanove koja provodi tu uslugu.
- g) Tekući račun



Član 8.
(Podnošenje zahtjeva i redosljed rješavanja)

Novčana pomoć će se dodjeljivati na osnovu podnesenog zahtjeva i po redosljedu primljenih zahtjeva a do utroška obezbjeđenih sredstava Budžeta za tekuću godinu.

Član 9.
(Izvještaji)

Dodjeljena novčana sredstva uplaćuju se na tekući račun korisnika. Po završetku provedenog postupka potpomognute oplodnje korisnik prava dužan je Službi u roku od dva mjeseca dostaviti dokaz (račun i sl) o namjenski utrošenim novčanim sredstvima dodjeljenim od Općine.

U koliko se u roku iz predhodnog stave ne dostavi dokaz o namjenski utrošenim sredstvima, korisnik je dužan ista vratiti na račun Općine.

Član 10.
(Stupanje na snagu)

Ovaj Pravilnik stupa na snagu narednog dana od dana objavljivanja na web stranici Općine Ilidža.

Broj: 02-05-3344/18
Ilidža: 24.07 2018

